

三國全圖演義

三國全圖演義

聖公白孟
顯關泉



珠江漁隱





神操城活
感曹陽


翁澤上人



治風疾神醫死

宛要山人作





傳遺命奸雄數
駱

琴舫題



第一才子書卷三十九

聖嘆外書

茂苑毛宗崗序始氏評

第七十七回

玉泉山關公顯聖

洛陽城曹操感神

雲長安在一語抵得一部金剛經妙義以安在二字推之微獨雲長爲然也吳安在魏安在蜀安在三分事業三國人才皆安在哉凡有在者不在而惟無在者常在知其安在而雲長乃千古如在矣

昔之和尙能感神今之和尙善搗鬼看普靜獨自一箇在玉泉山修行方是清淨法師所以能點化雲長耳每見近日有一等沒髮光棍畧誦幾句多心經輒欲升座說法盜襲幾句野狐禪便稱棒喝宗門聚徒成羣過都越國哄動男女填塞街巷布施金錢和尙搗鬼衆人見鬼總是一派鬼混恨不借雲長青龍刀一斬其魔障也

雲長英靈不泯固矣而赤兔馬亦在雲中豈馬爲英雄之馬其英靈亦勝於人耶况青巾綠袍并青龍偃月刀皆依然如故得毋衣物器械亦有魂否曰無疑也其神靈則不獨相隨之人附之而靈其所用之物亦與之而俱靈平也倉也馬也刀也巾袍也皆宜與雲長並垂不朽者也或疑關張並是英雄而雲長顯聖不聞翼德顯聖何也曰翼德何嘗不顯聖相傳有在唐留姓在宋留名之說今張睢陽岳武穆聲靈赫然廟祀甚肅豈非翼德之未嘗死乎况桃園三人非

三。人。也。一。人。而。已。雲。長。存。卽。謂。之。翼。德。存。可。耳。且。謂。與。玄。德。俱。存。亦。無。不。可。耳。

關。公。既。經。普。靜。點。化。之。後。人。相。我。相。一。切。皆。空。何。又。有。追。呂。蒙。罵。孫。權。驚。曹。操。告。玄。德。之。事。乎。
曰。雲。長。不。以。生。死。而。有。異。玉。泉。山。之。關。公。與。鎮。國。寺。之。關。公。非。有。兩。關。公。也。善。善。惡。惡。因。乎。自。
然。而。我。無。與。焉。追。所。當。追。罵。所。當。罵。驚。所。當。驚。告。所。當。告。直。以。爲。未。嘗。追。未。嘗。罵。未。嘗。驚。未。嘗。
告。而。已。矣。不。寧。惟。是。五。關。斬。將。直。是。未。嘗。斬。水。滄。七。軍。直。是。未。嘗。滄。也。

却。說。孫。權。求。計。於。呂。蒙。蒙。曰。吾。料。關。某。兵。少。必。不。從。大。路。而。逃。麥。城。正。北。有。險。峻。小。路。必。從。此。路。
而。去。可。令。朱。然。引。精。兵。五。千。伏。於。麥。城。之。北。二。十。里。彼。軍。至。不。可。與。敵。只。可。隨。後。掩。殺。彼。軍。定。無。

戰。心。必。奔。臨。沮。却。令。潘。璋。引。精。兵。五。百。伏。於。臨。沮。山。僻。小。路。關。某。可。擒。矣。權。志。在。於。得。荊。州。耳。何。必。害。關。公。而。後。快。若。使。

魯。肅。而。在。決。不。爲。此。今。遣。將。士。各。門。攻。打。只。空。北。門。待。其。出。走。操。圍。公。於。土。山。不。使。之。走。權。聞。計。令。呂。範。

再。卜。之。管。輅。只。有。一。卜。呂。卦。成。範。告。曰。此。卦。主。敵。人。投。西。北。而。走。今。夜。亥。時。必。然。就。擒。合。玄。武。臨。

兆。應。之。權。大。喜。遂。令。朱。然。潘。璋。領。兩。枝。精。兵。各。依。軍。令。埋。伏。去。訖。且。說。關。公。在。麥。城。計。點。馬。步。軍。兵。

止。剩。三。百。餘。人。糧。草。又。盡。是。夜。城。外。吳。兵。招。喚。各。軍。姓。名。越。城。而。去。者。甚。多。項。羽。垓。下。之。役。八。千。子。弟。且。俱。散。去。何。况。

人。乎。救。兵。又。不。見。到。心。中。無。計。謂。王。甫。曰。吾。悔。昔。日。不。用。公。言。今。日。危。急。將。復。何。如。甫。哭。告。曰。今。

日。之。事。雖。子。牙。復。生。亦。無。計。可。施。也。孔。明。見。在。但。趙。累。曰。上。庸。救。兵。不。至。乃。劉。封。孟。達。按。兵。不。發。遠。不。能。救。耳。

之故何不棄此孤城奔入西川再整兵來以圖恢復公曰吾亦欲如此遂上城觀之見北門外敵

軍不多因問本城居民此去往北地勢若何答曰此去皆是山僻小路可通西川公曰今夜可走

此路王甫諫曰小路有埋伏可走大路此時若用王甫之言或猶可免未可知也公曰雖有埋伏吾何懼哉即下令馬

步官軍嚴整裝束準備出城甫哭曰君侯於路小心保重某與部卒百餘人死據此城城雖破身

不降也此言亦可貫金石與公並垂不朽矣專望君侯速來救援公亦與泣別遂留周倉與王甫同守麥城關公自

與關平趙雲引殘卒二百餘人突出北門公于此時不即自殺者尚欲圖後舉以報漢中王也關公橫刀前進行至初更以

後是亥時了約走二十餘里只見山凹處金鼓齊鳴喊聲大震一彪軍到為首大將朱然驟馬挺鎗叫

曰雲長休走趙雲投降免得一死公大怒拍馬輪刀來戰朱然便走公乘勢追殺一棒鼓響四下

伏兵皆起公不敢戰望臨沮小路而走朱然率兵掩殺關公所隨之兵漸漸稀少兵之漸少非必盡死也大率為

荆州兵走不得四五里前面喊聲又震火光大起潘璋驟馬舞刀殺來公大怒輪刀相迎只三合

潘璋敗走公不敢戀戰急望山路而走背後關平趕來報說趙雲已死於亂軍中趙雲之死在關平口中敘出用

虛寫關公不勝悲惶遂令關平斷後公自在前開路隨行止剩得十餘人行至決石兩下是山山

邊皆蘆葦敗草樹木叢雜時已五更將盡呂範卜在亥時今却到五更讀者竊幸其數之不着矣正走之間一聲喊起兩下

伏兵盡出長鈎套索一齊並舉先把關公坐下馬絆倒關公翻身落馬被潘璋部將馬忠所獲讀至

第一才子書卷三

此令人拍案一叫。關平知父被擒，火速來救。背後潘璋朱然，率兵齊至，把關平四下圍住。平孤身獨戰，力

盡亦被執。讀至此，又至天明。孫權聞關公父子已被擒獲，大喜。可聚眾將於帳中，少時馬忠簇擁

關公至前。權曰：「孤久慕將軍盛德，欲結秦晉之好，何相棄耶？」原來是不肯放公平昔自以爲天下

無敵，今日何由被吾所擒？將軍今日還服孫權否？曹操敬禮關公而孫權關公厲聲罵曰：「碧眼小

兒，紫髯鼠輩，吾與劉皇叔桃園結義，誓扶漢室，豈與汝叛漢之賊爲伍耶？操爲漢賊而助操攻公

得快我今誤中奸計，有死而已，何必多言？權回顧眾官曰：「雲長世之豪傑，孤深愛之，今欲以禮相

待，勸使歸降，何如？」主簿左咸曰：「不可。昔曹操得此人時，封侯賜爵，三日一小宴，五日一大宴，上馬

一提金，下馬一提銀，如此恩禮，畢竟留之不住，聽其斬關殺將而去。將公往事一提照致使今日

反爲所逼，幾欲遷都以避其鋒。獨不提起華容之事何耶今主公旣已擒之，若不卽除，恐貽後患。孫權沉吟半

晌曰：「斯言是也。」遂命推出。於是關公父子皆遇害。曹操不害關公而孫權害之不及曹操多矣時建安二十四年冬十

月也。關公亡年五十八歲。後人有詩嘆曰：「漢末才無敵，雲長獨出羣。神威能奮武，

儒雅更知文。天日心如鏡，春秋義薄雲。昭然垂萬古，不止冠三分。」又有詩曰：

人傑惟追古，解良士民爭拜漢雲長。桃園一日兄和弟，俎豆千秋帝與王。

氣挾風雷無匹敵，志垂日月有光芒。至今廟貌盈天下，古木寒鴉幾夕陽。

關公既歿，坐下赤兔馬被馬忠所獲，獻與孫權。權即賜馬忠騎坐，其馬數日不食草料而死。此馬

呂布死而為關公死，死得其所矣。馬亦能擇主乎？却說王甫在麥城中，骨顫肉驚，乃問周倉曰：「昨夜夢見主公渾身血污，不為

立於前急問之，忽然驚覺，不知主何吉凶？」前有王甫之夢，此正說間忽報吳兵在城中將關公父

子首級招安。王甫周倉大驚，急登城視之，果關公父子首級也。王甫大叫一聲，墮城而死。周倉自

刎而亡。二人死且不朽，今人但塑平與倉之像於公側，而不及王甫趙累二人，猶為有闕也。於是麥城亦屬東吳，却說關公英魂不散，蕩蕩

悠悠，直至一處，乃荆門州當陽縣一座山，名為玉泉山。山上有一老僧，法名普靜，原是汜水關鎮

國寺中長老。二十七回中之人，至此忽然照出。後因雲遊天下，來到此處，見山明水秀，就此結草為菴，每日坐禪。

參道。是清淨法師，不身邊只有一小行者化飯度日。似今之愛恤徒弟的和尚了，是夜月白風清，

三更已後，普靜正在菴中默坐，忽聞空中有人大呼曰：「還我頭來！」本無頭何有還本無頭去何有

頭來。若云無頭呼者，是誰若欲還頭還於何處？普靜仰面諦觀，只見空中一人騎赤兔馬，提青龍刀，左有一白面將軍，

右有一黑臉鬚髯之人相隨。關平周倉在普靜眼中，寫出妙在不知其人。一齊按落雲頭，至玉泉山頂，普靜認得是關

公，遂以手中麈尾擊其尸曰：「雲長安在？」此語抵得一聲棒喝。關公英魂頓悟，即下馬乘風，落於菴前。父手問

曰：「吾師何人，願求法號？」普靜曰：「老僧普靜，昔日汜水關前鎮國寺中曾與君侯相會，今日豈遂忘

之耶？」雲長空普靜亦空，何必忘何必不忘。公曰：「向蒙相救，銘感不忘。今某已遇禍而死，願求清誨，指點迷途。」普靜曰：

昔非今是一切休論。後果前因。彼此不爽。四語抵得升座說法一場。今將軍爲呂蒙所害。大呼還我頭來。然則顏良文醜五關六將等衆人之頭。又將向誰索耶。現前因果。於是關公恍然大悟。稽首皈依而去。稽首則無頭而有頭。皈依則有我而無我矣。後往往於玉泉山顯聖護民。鄉人感其德。就於山頂上建廟四時致祭。後人題

一聯於其廟云

赤面秉赤心。騎赤兔追風。馳驅時無忘赤帝。青燈觀青史。仗青龍偃月。隱微處不愧青天。

却說孫權既害了關公。遂盡得荆襄之地。賞犒三軍。設宴大會。諸將慶功。置呂蒙於上座。顧謂諸將曰。孤久不得荊州。今唾手而得。皆子明之功也。蒙再三遜謝。權曰。昔周郎雄畧。過人破曹操於赤壁。周郎未嘗結連曹操。勝於子明。不幸早歿。魯子敬代之。子敬初見孤時。便及帝王大畧。此一快也。曹操東下。諸人皆勸孤降。子敬獨勸孤召公瑾。逆而擊之。此二快也。子敬未嘗結連曹操。又勝於子明。惟勸吾借荊州與劉

備。是其一短。借備以荊州合力拒操。正是長策。何云短也。今子明設計定謀。立取荊州。勝子敬周郎多矣。味討賊之義。是呂蒙不如二人何得反日勝之。於是親酌酒賜呂蒙。呂蒙接酒欲飲。忽然擲盃於地。一手揪住孫權。厲聲大罵曰。碧眼小兒。紫髯鼠輩。還識我否。令人嚇殺。我字喝得響。衆將大驚。急救時。蒙推倒孫權。大步前進。坐於孫權位上。兩肩倒豎。雙眼圓睜。大喝曰。我自破黃巾以來。縱橫天下三十餘年。今被汝一旦以奸計圖我。我生不能啖汝之肉。死當追呂賊之魂。我乃漢壽亭侯關雲長也。驚天動地之人。自有此作威顯聖之事。權大驚慌忙。

率大小將士皆下拜。只見呂蒙倒於地上。七竅流血而死。死得快暢孫權亦險些兒眾將見之無不恐懼。權將

呂蒙屍首具棺安葬。贈南郡太守。潯陵侯命其子呂霸襲爵。孫權自此感關公之事。驚訝不已。忽

報張昭自建業而來。權召入問之。昭曰。今主公損了關公父子。江東禍不遠矣。此人與劉備桃園

結義之時。誓同生死。今劉備已有兩川之兵。更兼諸葛亮之謀。張黃馬趙之勇。備若知雲長父子

遇害。必起傾國之兵。奮力報讐。恐東吳難與敵也。勢所必然權聞之大驚。跌足曰。孤失計較也。似此如

之奈何。却纔被死呂蒙嚇了一跳昭曰。主公勿憂。某有一計。令西蜀之兵不犯東吳。荆州如磐石

之安。權問何計。昭曰。今曹操擁百萬之眾。虎視華夏。劉備急欲報讐。必與操約和。玄德必不與操

須以此若二處連兵而來。東吳危矣。不如先遣人將關公首級。轉送與曹操。明教劉備知是操之

所使。必痛恨於操。西蜀之兵不向吳而向魏矣。雖是東吳之所謀實亦曹操之所使嫁禍於操誠不為過吾乃觀其勝負於中

取事。此為上策。既欲嫁禍於人又欲取利於己人情大抵如是權從其言。隨遣使者以木匣盛關公首級。星夜送與曹操。

時操從摩陂班師。回洛陽。聞東吳送關公首級。至喜。曰。雲長已死。吾夜眠貼席矣。夜眠今始貼席

久貼階下一人出曰。此乃東吳移禍之計也。又蚤識破操視之。乃主簿司馬懿也。操問其故。懿曰。昔劉

關張三人桃園結義之時。誓同生死。今東吳害了關公。懼其復讐。故將首級獻與大王。使劉備遷

怒。大王不攻吳而攻魏。他却於中乘便而圖事耳。如燭照而龜卜操曰。仲達之言是也。孤以何策解之。懿

曰此事極易。大王可將關公首級刻一木香之軀以配之葬。以大臣之禮。劉備知之必深恨孫權。盡力南征我。却觀其勝負。蜀勝則擊吳。吳勝則擊蜀。二處若得一處。那一處亦不久也。乖的又撞着乖的

操大喜。從其計。遂召吳使入。呈上木匣。操開匣視之。見關公面如平日。操笑曰。雲長公別來無恙。與華容道相見之語。一般前是恭敬此是戲謔言未訖。只見關公口開目動。鬚髮皆張。操驚倒。纔嚇倒孫權又嚇倒曹衆

官急救良久方醒。顧謂眾官曰。關將軍真天神也。吳使又將關公顯聖附體。罵孫權追呂蒙之事。

告操。操愈加恐懼。活關公可怕死關公更可怕死遂設牲醴祭祀。刻沉香木為軀。以王侯之禮葬。

於洛陽南門外。令大小官員送殯。操自拜祭。贈為荆王。差官守墓。即遣吳使回江東去訖。以上按

以下按教玄德。却說漢中王自東川回成都。法正奏曰。主上先夫人去世。孫夫人又南歸。未必再來。人死

而糜芳叛去。孫夫人去而孫權見圖。人倫之道不可廢也。必納王妃以襄內政。漢中王從之。法正

復奏曰。吳懿有一妹。美而且賢。嘗聞有相者相此女。後必大貴。前敘下此敘先曾許劉焉之子劉

瑁。瑁蚤夭。其女至今寡居。大王可納之為妃。正說婚姻却漢中王曰。劉瑁與我同宗。於理不可。篤

異姓兄弟豈忍法正曰。論其親疎。何異晉文之與懷嬴乎。法正做媒漢中王乃依允。遂納吳氏為

王妃。玄德應允後生二子。長劉永。字公壽。次劉理。字奉孝。帶筆且說東西兩川民安國富。田禾大

成。忽有人自荊州來言。東吳求婚於關公。關公力拒之。法正議婚。東吳亦議婚。玄德應允。關公不肯應允。正相映射。孔明曰。荆

州危矣。○可使人替關公回。若能如此。荆州不失惜。正商議間。荆州捷報使命絡繹而至。○不一日。關

興到。具言水滄七軍之事。忽又報馬到來。報說關公於江邊多設警臺。隄防甚密。萬無一失。因此

玄德放心。補敘忽一日。玄德自覺渾身肉顫。行坐不安。至夜不能寧睡。起坐內室。秉燭看書。覺神

思昏迷。伏几而臥。就室中起一陣冷風。燈滅復明。擡頭見一人立於燈下。寫得閃忽。可畏。玄德問曰。汝何

人。黃夜至吾內室。其人不答。玄德疑怪。自起視之。乃是關公於燈影下往來躲避。權座間另是一

景光玄德曰。賢弟別來無恙。夜深至此。必有大故。吾與汝情同骨肉。因何迴避。關公泣告曰。願兄

起兵以雪弟恨。言訖。冷風驟起。關公不見。玄德忽然驚覺。乃是一夢。前敘王甫一夢。此時正三鼓

玄德大疑。急出前殿。使人請孔明來。孔明入見。玄德細言夢警。孔明曰。此乃主上心思關公故有

此夢。何必多疑。人亦有言。將信將疑。孔明再三疑慮。孔明以善言解之。讀者至此必疑。孔明辭出。

至中門外。迎見許靖。靖曰。某纔赴軍師府下。報一機密。聽知軍師入宮。特來至此。孔明曰。有何機

密。靖曰。某適聞外人傳說。東吳呂蒙已襲荆州。關公已遇害。故特來密報軍師。孔明曰。吾夜觀天

象。見將星落於荆楚之地。已知雲長必然被禍。但恐主上憂慮。故未敢言。方知孔明心中已是明白。二人正說

之間。忽然殿內轉出一人。扯住孔明衣袖而言曰。如此凶信。公何瞞我孔明視之。乃玄德也。忽見

燈下一人孔明忽見殿孔明許靖奏曰。適來所言。皆傳聞之事。未足深信。願主上寬懷。勿生憂慮。後一人皆寫得突兀

玄德曰孤與雲長誓同生死彼若有失孤豈能獨生耶有此一語二公一發不肯說實話孔明許靖正勸解之間

忽近侍奏曰馬良伊籍至接荀玄德急召入問之二人且說荊州已失關公兵敗求救妙在只曉

不知有後事呈上表章未及拆觀侍臣又奏荊州廖化至接荀玄德急召入化哭拜於地細奏劉封孟

達不發救兵之事亦只曉得一大半玄德大驚曰若如此吾弟休矣孔明曰劉封孟達如此無禮

罪不容誅主上寬心亮親提一旅之師去救荊州之急有此言不玄德泣曰雲長有失孤斷不獨

生孤來日自提一軍去救雲長遂一面差人赴關中報知翼德一面差人會集人馬預為後文伏

心未及天明一連數次報說關公夜走臨沮為吳將所獲義不屈節父子歸神一路俱作吞吐之

絕妙玄德聽罷大叫一聲昏絕於地正是為念當年同誓死忍教今日獨捐生筆法

未知玄德性命如何且看下文分解

第七十八回 治風疾神醫身死 傳遺命好雄數終

曹操之殺華陀以陀之將殺操也陀療操而何以云殺操曰鑿其頭則是欲殺之也臂則刮未

聞頭可鑿如鑿其頭而能活必如左慈之幻術則可若以言醫則無是理也無是理則其欲殺

之無疑也曷為療關公則療之療曹操則欲殺之曰能慕義者必惡惡於其慕關公之義而療

公則知其必能殺操者耳故華陀之死當與吉平之死並傳

或惜華陀之書不傳。而後世無神醫。此言非篤論也。醫者意也。意豈書之所能傳乎。不可知之。謂神醫而曰神。神豈書之所得而解乎。以書治病者。不謂之知醫。猶之以書用兵者。不謂之知兵。陀之書與孟德新書而俱焚。焚之誠是矣。吳氏之婦焚之。爲其書之足以殺身。若使吳氏之婦不焚之。而今人學之又恐其書之足以殺人耳。

曹操死於庚子之年。戊寅之月。而十回之前。蚤有左慈土鼠金虎一言伏案矣。然而數之未盡。事在將來。觸左慈而不死。觸樹神而死。前文之左慈。特爲此卷之引子也。猶之合眼見關公而不死。開眼見伏后諸人而後死。此卷之關公。特爲前卷之餘波也。且樹神又爲伏后諸人之引子。而夏侯惇見伏后。又爲曹操見伏后之餘波。斯篇畧借鬼神之事。警戒奸雄。事極其妙。文亦極其妙。

曹操之托文王。與王莽之托周公相似。而曹操又巧於王莽。何也。篡國之事。王莽身自爲之。曹操不自爲之。而使其子爲之。則莽拙而操巧也。王莽以金籒學周公。又以居攝學虞舜。是欲以一身而兼學兩聖人之事。曹操以其身學文王。而使其子學武王。是欲以兩世而分學兩聖人之事。嗚呼。以聖人之事。而乃爲奸雄之所竊。豈不重可嘆耶。

或見曹操分香賣履之令。以爲平生奸偽。死見真性。不知此非曹操之真。仍是曹操之偽也。非